

Sammelband


Rubr. XVII. Nro. 3.


Gymnasial - Bibliothek


zu Cöthen.

11












Legis semper arcum tendit
A P O L L O

Non si male nunc, et olim sic erit.

J.C. Sartorius sculp. Norimb. 1678.





2c
A P O L L O

ΤΕΤΡΑΤΕΧΝΗΣ

Serenissimus Princeps ac Heros,

DN. DN.

RAYMUNDUS,

Sac. Rom. Imperii

COMES DE MONTECUCOLI,

Dominus in Hoeneegg & Juppendorff, Aurei
Velleris Eques, Sac. Cæsar. Majest. Consiliarius In-
timus, Camerarius, Consilii Aulico-Bellici Præses,
Generalis Locumtenens, Campi-Mareschallus, Rei
Tormentariæ Supremus Præfectus, Equitum
Colonellus, Jaurinensis Præsidii ac Con-
finiorum Generalis,

ab

Inclita

Academia Naturæ-Curiosorum

PROTECTOR

electus:

Acclamatione prorsâ & vorsâ publicè cultus

A

Johanne Georgio Volckamero, Doct.
& Collegii Medici Nor. Decano.


Academico Naturæ Curioso.

NORIBERGÆ,

Typis Andreae Knortzii.

ANNO M. DC. LXXIIX.

*Typus aeneus hujus
Frontispicii, in antiqua tabula ex albo marmore,
magnitudinis pedum sesquitrium ex unoquoq; late-
re, extat Roma in edibus Hasdrubalis Matthaei
Marchionis Jovii.*



SERENISSIME PRINCEPS,
DOMINE CLEMENTISSIME.



Otis nunc omnia fervent, dum fata adful-
gent. Cytharam poscit ac plausum, lætitia
publica. Spes Augusta Austriæ, post duo
& quod excedit lustra, tandem respicit,
Porphyrogennetum cunis motanti-
bus. JOSEPHUS, magnum Jovis
incrementum, ut feliciter crescat, ut

annos ferat, omnes congratulamur. Filius accrescens
Joseph, filius accrescens, decorus aspectu: cui be-
nedicat Omnipotens! Sed & Tua votis res agitur, Se-
renissime Princeps! ut novus jam regnet Apollo.
Aptum hoc Tibi numinis nomen, & quasi agnatum, pol-
lenti Apollineis artibus. Ille, Leo sub Leone, radiis infen-
sus, spicula hæc latè disjicit: pharetratus etiam, in Py-
thona sagittas torquet. Tua verò Serenitas quorsum non
alluxit fulgoris fulgure? Quanta Imperii spatia emensus es,
fulmi-

fulminis ales, Jovis Aquila! Testis Arabo, Arabum sanguine cruentatus, & fugata videns

— — Lunatis agmina Signis.

Inde ex auro Tibi Laurus debetur, ob servatam Orbi Christiano Austriacoq; Hungariam. Testis Franconia: procul dubio nunc Francica, nisi Tu Deus quasi ex machinâ in tempore adfuisfes. Ibi ars hostilis arte delusa, exemplo docuit, in Bello plus Prudentiâ profici, quam Viribus. Ita Te Averrunco, commune Germania periculum, & malum jam in visceribus, feliciter extrusit. Tandem etiam, armis aena opponens, Pythone illo Gallico spiculis prostrato, Dextera suâ Regem orbum fecisti. Et ab his principiis nunc Bellum trahitur. Tu verò, ita innutritus bellicis artibus, Pacem tamen amas: gnarus, Bellum geri propter Pacem. Eâq; nunc frueremur: nisi hostilis obstaret ambitio. Interim Solis instar, Cæsarei Cœli Diespitrem Te videmus, Consiliis præsentem interesse, & intendere omnibus. En Apollinem, Lucis fontem, lumine, circa caput, serenum! Ea Tibi mens, illustre senium juventâ miscere & servare bono publico, Consilii radiis diem regere, quotidie renasci, lumen dare collegis sideribus. Hæc Phœbæa divinandi Ars, gemina bellicæ. Utraq; Herculis clavam Tibi aptat, cum Leonis exuviis: ut verè ἕρας vel ἡρας κλέει audias. Hanc equidem laudum radiis, illam rebus gestis laudabilibus, imples. Jubæ Solaris, & jubæ Leoninæ, quàm heroica affinitas: in Te expresfa! Ea omnia ac Fidelitatem in Te videt & æstimat. Imp. Cæs. LEOPOLDUS Augustus Dominus Noster, quo Jove Divûmq; terrestrium Patre gaudes Filius,
quod

quod ter felix, faustum fortunatumq; sit Tibi & Posteris! Nec mirum, cum quilibet Mons caelo vicinus Jovi olim sacer fuerit, si Nostro beneplacitum sit, suam in hoc Monte habitare Gratiae Cæsareæ Aquilam: suetam, nidos in montium excelso ponere. Sed non hic gloriæ Tuæ terminus, Serenissime Princeps! Non Martiorum telorum jaculatore tantum, sed & Musarum Ducem Te & Musagetem sentimus Apollinem: hoc etiam Symbolo, quod in Monte habites. Hunc sive quis Parnasum dicat, sive Soraeten Tibi conterraneum, idem dixerit. Romæ olim Herculi cum Musis commune templum: quæ iste gesit, hæ carmine celebrant. Tu, qui scribenda facis, scis facta etiam describere, Julii Cæsaris exemplo: Musarum simul Patronus & Collega. Ita

--- quondam Cythara tacentem
 fuscitat Musam, neque semper Arcum
 tendit, Apollo.

Testem advoco, maximum quondam Illustris Literaturæ fidus: * qui Meletemata Tua, prorsâ & vorâ, non Cedro, sed ipso auro digna extulit. Hinc rectè, si Te Mercurium quoque, & *ἕρμης*, dicimus, Caduceum Tibi dicamus. Iste olim in manibus Æsculapio, filio Apollinis. Eo animas hic è morbis, Hermes è morte, revocavit. Idem in hanc jus Patri Cynthio, quod filio, qui de seipso:

Inventum Medicinâ meum est, nobisq; per orbem
 dicitur Herbarum subiecta potentia. — —

Ex Sole, vita & omnium rerum Salus. Non fervet modo & pesfundat, sed fovet etiam ac fœcundat. Et in Montium quidem, vel vertice, vel visceribus, ea calore suo producit, quæ

A 3

morta-

* Joh. Guil. Stubenbergius in Demetr. præfat.

mortalibus sunt profutura. Nec in Te, Serenissime Princeps, frustra quærimus, quartum hoc Apollinis Decus. Nil Tibi, ut Soli, clausum. Intima sua adyta latebrasq; Natura Tibi recludit, idq; Tecum agit, ut possis — rerum cognoscere causas. Invento sic Apolline, ut jubaris Tui se participem faceret Inclita Naturæ-Curiosorum Academia, ductore Viro Illustri Joh. Mich. Fehrio, ad Vadum Suevorum Prætoꝛe Imperiali, levando oculos suos in Montem, Te sibi Caput ac Principem elegit: nec, quæ Tua est humanitas, repulsam tulit. Ita Tu nunc Naturalium rerum indagator & indagantium Præses, novo simul & Gentium & Artium Principatu auctus, posthac regnabis Apollo. Interim

— — quæ sparguntur in omnes,
in Te mixta fluunt, & quæ divisa beatos
perficiant, collecta tenes. — —

Sulmone & Venusio, olim Italiæ Tuæ opidis, sati Vates, hæc melius dicturi essent, si liceret ipsis

— in corpora posse reverti.

Interim, qui vivificat omnia, etiam infima, rhamnos cum rosetis, PHOEBUS noster, hæc sereno vultu ut inspiciat, magnis precibus humillimè exposcit

Serenitati Tuæ

Die D. LEOPOLDO Sacra
An. 1678.

devotissimus subjectissimus



* *
*

RAYMUNDUS *veluti* ΤΕΤΡΑΤΕΧΝΗΣ *fulget* Apollo,
Armis, Consiliis, Carmine, Re Medicâ!
 Ipsa manus Divi LEOPOLDI CÆSARIS, *ensem*
adversus quosvis stringere docta Viros:
Pannonas & Turcas, Transylvanosq̄, trucesq̄
Gallorum populos, quotquot & Albis alit.
Cujus ad aspectum quicumque lacescere honorem
Cæsareum tentant, aut violare, tremunt.
 ILLE Sagoq̄, Togâq̄, simul Clarissimus Heros
Consilio præstans, auxilioq̄, potens;
Speratos adeò qui nuper ab hoste triumphos
In nihilum redigit prosubigitq̄ solo:
Nunc tranquillatâ sensim virtute, recentem
Musarum in Castris gestit habere locum,
atque ipsas inter festos celebrare triumphos,
Lauru etiam, galeâ conspicuum ante caput.
 Naturæ solium conscendens inter amantes
 (*FEHRIUS eximia queis gravitate præest,*)
Omnia dum regit atque tegit, gratosq̄ clientes
Induperatori reddere gaudet ovans.
Hinc Capite hoc cœtus donatus, plausibus infit
edere lætitiæ maxima signa sua.


Jamq̄


¶ : (o) : ¶


Jamq; sua exultat forma Natura, gravesq;
inde redundantes nunc sibi spondet opes.
Ipse ego de tali letatus Principe, toti
Naturæ cupido gratulor ista Choro:
Utq; hæc prosperitas, Capitisq; hæc gloria tanti
sub LEOPOLDINO NUMINE perpetuet:
Vivat in Imperii solamen & Ipse, Reiq;
RAIMUNDUS Medicæ, mente manuq; precor.


Tanti Principis

cliens deditissimus









W 739 (2, 1-3)

X 2609982

ULB Halle


3

005 882 710



VD 17







2c
A P O L L O

TETPATEXNHΣ

Serenissimus Princeps ac Heros,

DN. DN.

RAYMUNDUS,

Sac. Rom. Imperii

COMES DE MONTECUCOLI,

Dominus in Hoenegg & Juppendorff, Aurei
Velleris Eques, Sac. Cæsar. Majest. Confiliarius In-
timus, Camerarius, Consilii Aulico-Bellici Præses,
Generalis Locumtenens, Campi-Mareschallus, Rei
Tormentariæ Supremus Præfectus, Equitum
Colonellus, Jaurinensis Præsidii ac Con-
finiorum Generalis,

ab

Inclita

Academia Naturæ-Curiosorum

PROTECTOR

electus:

Acclamatione prorsâ & vorâ publicè cultus

A

Johanne Georgio Volckamero, Doct.
& Collegii Medici Nor. Decano.

Academico Naturæ Curioso.

NORIBERGÆ,

Typis Andrea Knortzii.

ANNO M. DC. LXXIIX.

